

清代筆記叢刊

三借廬筆談

鄒

弢著

四

三才圖會

卷之四

四

三借廬筆譚卷十

金匱鄒攸翰飛纂

義賊

桐廬村義賊苗喜鳳短小有力能上五丈餘高牆行城樓上輕捷如猿嘗行竊江南過某村月墮更殘萬籟俱寂聞小屋內有泣聲陟屋窺之見西室內殘燈尚炯一女子披衣跪庭中炷香瓦鼎泣不可仰聞細語曰弟幼家貧祇此老母相依烏私未報願減壽增母壽算秀玉無力為母服藥請以臂肉和血為親起病求神靈鑒佑言已出小刀白如霜喜知為孝女剗肉療親者哀而敬之捷下中庭女大驚喜搖手曰無恐我義賊某來拯卿者無惡意也探懷出銀授之曰此約三十兩可持去作醫藥資數月後當復來剗股傷身不足云孝無學愚人所為請從此別一躍而逝女驚定知遇俠客望空再拜不復到股乘夜延醫而母竟不起女哀踴不欲生喪葬已女故有戚家亦務農者來迎不可一燈慘淡撫弟哭親而兵禍又起數月喜鳳來探破屋塵封杳無人迹驚疑不解問諸鄰始悉其故先是女母傭城中某紳翁家女從之翁子毫猾也見女涎其美出金啗母欲娶之以有夫辭子怒欲強逼之母訴於翁始得直因返家紡績以度然子銜恨未忘也比翁死子思報前怨聞女母亦亡乃受計家人賺女



來囚密室。比晚公子來。盡褪其衣。欲汚之。女驚叫。則以絮塞其口。時喜正探得凶耗。密訪來紳宅。聞南樓有呼救聲。疾往覘之。見其狀。大怒。破窓入。手刃公子。救女出。負於背。履屋如平地。至野。謂女曰。此地不可復居。卿弟何在。可往吾家避之。女再拜曰。適墮惡人計。弟寄戚家。僅里許。然以兩人為累。於心何安。喜曰。救人救徹。毋作厭聽語。乃覓得其弟。僱船返桐廬村。女感激殊深。欲委身事。喜曰。我豈好色者。救卿而復娶卿。人將歸我不義也。竟為女締姻。別姓。

### 快快撒穀

鄉中春暮夏初。有鳥來飛鳴陌上。留連四五十日。其聲曰。快快撒穀。雖夜必聲。或隨飛隨鳴。或栖而鳴。至五月終。即不知所之。余向疑非黃鸝。即布穀。或反舌。蓋其身大如勃姑。而尾灰翼黃也。後閱記載。知即鷓鴣。詩云。維鷓在梁。鷓又名提壺水鳥也。一名淘鷓。俗誤為駝鶴。似鷓而大。灰色如蒼鵝。吳諺云。夏至前來。謂之犁鷓。主水。夏至後來。謂之犁塗。主旱。然考鷓之屬。有漫畫信天緣。二種。漫畫以嘴畫水求魚。無一息停。信天則終日凝立。不易其處。俟魚過。取之。俗名青翰。又名青莊。二鳥貪廉異。故勞逸分。鳥尚如是。人可不知所戒乎。

### 疎香小影

吳江葉仲韶女小鸞字瓊章工詩詞許字崑山張立平將婚而歿年十七著返生香集歿後託

乩筆與人談禪前生本玉京仙女今證位也生時遺疎香小影上海葛隱耕孝廉題之云櫻湖

人去清光冷一幅疎香留倩影綽約雙鬟別樣妝春風舊住聲幽靜蓬萊仙子最嫵媚悔結前

生一笑緣花架低回情偶動蕉窗宛轉夢難圓芳年嬌小多才思姊妹聯吟尤韻事姊妹齊惠

素手閒臨子敬書紅牙細鏤飛瓊字鴨爐香盡侍兒添悟澈禪機半偈拈夜靜棋聲枯小院

午闌琴韻潤疏簾那知江上風凋早髮影衣香都縹緲只許琅函掌玉皇小鸞本月不教眉

史修京兆冷雨孤燈痛阿娘返生猶望杜蘭香含毫血淚親書臂女歿時母宛君書入夢音

容幾斷腸華桐浮衲傷心客仲韶國變後蓬島破瓜今又及甲行日註丁亥十月記日今日

矣無葉同歸受戒身天台初子降乩吳中宛君及小鸞鴻都尚覓招魂術松陵遺事話前朝

賸有灰囊跡未消刻正如石灰囊已留一迹荒徑春烟埋紫玉平原秋草弔紅簫辨才真合

生天上詩有詭云今坐十七年華空色相蘭畹妍詞一代誇玉臺新詠千秋賞廣寒飛去宛

乘雲顧太冲為作留證仙踪續窈聞仲韶著有窈聞認取崔徽圖畫好傳神還憶虎頭君

感事詩

感事詩須要蘊藉不露口頭未說心頭已說所謂意在言外也吳縣劉辰孫先生書感云銅



柱空聞懾百蠻。天南瘴雨暗雲山。豈無勁旅招連若。安得奇師報奪關。畫像益州知善守。勒  
功車騎惜虛還。猶餘十萬橫磨劍。將帥韜鈴未等閒。長鯨跋浪忽趨東。采石西邊列戍空。偏  
是孫盧專扼險。况堪李郭失和衷。六朝山簇烽烟紫。二月花飛戰血紅。江北江南莽蕭瑟。可  
憐無地著哀鴻。何時敵愾策殊勲。偵探猶然誤聽聞。建閫又迎新節度。籌邊專倚故將軍。旌  
旗晝靜低寒日。鼓角宵殘擁陣雲。幾似當年趙充國。欲收甲仗事耕雲。靜鎮由來仗老成。問  
誰威望作干城。新軍整飭如龍武。僕射恩慈是父兄。列騎鈐轅朝練士。開尊幕府夜談兵。戈  
矛山立深防護。何似當年細柳營。森嚴刁斗壁門開。六郡良家應募來。此日請纓酬壯志。何  
人飛檄擅雄才。孤城陡絕懸軍入。小隊分馳斫陣回。誰使國殤拚一擲。封侯初願尚餘哀。租  
庸徵調柄誰操。取給軍儲計亦勞。轉粟蕭何資望重。輸財卜式占功高。關津路隘屯千騎。海  
市波驚阻萬艘。杜牧罪言留感憤。能從下策已人豪。

續百宜箴

范哦松秀才。有百勿相宜箴。言淺意深。有益於世道。人心不小。余又代增數十則。即格言聯璧  
語也。句云。養德宜操琴。鍊智宜彈棋。遣情宜賦詩。輔氣宜酌酒。解事宜讀史。得意宜臨書。靜  
坐宜焚香。醒睡宜嚼茗。禮物宜展畫。適境宜按歌。閑候宜灌花。保形宜時藥。隱心宜調鶴。孤

况宜聞蛩涉趣宜觀魚忘機宜飼雀幽情宜藉草淡味宜掬泉獨立宜觀瀑探勝宜入山閒吟宜倚樹清談宜剪燭狂嘯宜登臺逸致宜投壺結想宜欹枕息緣宜閉戶覽景宜攜囊爽致宜臨風愁懷宜佇月鬱志宜聽雨元悟宜對雪辟寒宜圍鑪空累宜看雲談道宜訪友助豪宜舞劍裕後宜積德

瘦羊

潘瘦羊 鍾瑞贈劍辰生云筆花飛去見天癸且向書城寄此身悟入雙聲都有據吟成一字不曾貧近郊築舍耽秋氣避俗論交愛酒人許我西窓來話雨生中高論劇津津

餘情詩序

紅豆館主華柳門秀才居吾鄉之東北蕩口鎮嘗寓某處有所眷為主人所覺遂破好事作餘情詩百首頗極哀豔今錄其序云膠青刷髮張京兆笑而抽毫粉白修容曹中郎怨而作賦端是前生司馬徹夜調琴劇憐仙籍彩鸞終朝寫韻庭前芍藥繡綉奚多架下荼蘼句留不少偶譜雲和一曲雙成之調難借仰邀月印半規七夕之盟無據楊妃鸚鵡幾曾解脫籠中簫史鳳凰徒見荒涼臺上奈何志殊磊落性喜清狂菱枝弱浸於風波桂葉傲香於月露題紅慧性有觸皆靈慘綠少年無端成恨楊雍伯何來白璧月泣藍田郭元振絕少紅絲風



牽繡幔。天寒倚竹。斑斑湘女之愁。更盡焚蘭。閃閃宮娥之慘。是以蹤游北里。呼盞歌高步近東鄰。掩羅偷覲。劉家三妹。偶孝綽於閒庭。周室雙妹。獨表靈香之小字。曳湘妃之佩。妍響珊瑚。懷韓壽之香。醉心眷眷。雙鈎蹴鳳。濯秋水以雙鮮。一髻堆螺。逗春山而一笑。慵來搗藥。蜨蟬凝紅。倦起鬪茶。鷓鴣浮碧。李郎來矣。嘗塞卿氏之簾。阮子歸哉。慣卧盧家之甕。城忽傾乎一顧。石遂證以三生。問今夕何年。君須記取。說此中佳趣。我未分明。然而天也無情。月兮難滿。巫山峰杳。滄海珠啼。燒寸蠟。則將灰。僵春蠶。其欲死。贈卿何物。量來一斛珍珠。與我無緣。照破半牀幽夢。寫南朝之金粉。玉樹歌悽。描北里之胭脂。鏡花色妬。簫翩翩其有主。海水脉脉以何言。終愁碧藕絲枯。餘香頰歇。未到綠楊陰重。弱絮先飛。扇影釵聲。催老東風之夢。粉奩脂盞。曾銷南浦之魂。秋館曉涼。醉殘羅綺。春燈夜炯。擊碎琉璃。所幸人面桃花。猶得重逢。崔護纖腰楊柳。長偎一拈小蠻。招明月之三分。雕欄並倚。話春風之一度。繡幕低垂。拍板歌詩。腕絕紅牙之唱。拔釵沽酒。頻勞素手之扶。鸞鶴無猜。燕鶯不管。買得坊間。豈惹香合裁囊。摘歸江上。芙蓉爛都成錦。當年碧玉。多應解此深情。何日紅綃。更復能知芳緒。無何子規啼曉。姑惡愁春。香易冷。夫金猊絲難牽。乎玉虎劉晨訪舊。洞犬驚噪。郭璞遊仙。隄鶯喚起。鄭交甫江湄之珮。已落誰邊。班婕妤好。紉扇之歌。徧騰永巷。拈來紅豆。此生枉種相思。拋去紫萱。無



處可呼蠲忿。玉搔頭記還嫌重。倩我携歸。香蔽膝應未耐寒。個人悄擁三千碧海。走漫天不定之雲。廿四紅橋。撈貼地無情之月。那堪回首。直已錐心。於意云何。遽令丁此。由是拔劍而舞。彈棋不平。思往事而淒其。問佳期而誤矣。蒼茫塵障。將從大地埋憂。潦倒酒杯。付與枯腸。化淚寄語海棠。舊主須燒燭。以催妝。漫思隄柳行人。再上樓而畫黛。誰堪披膽。崑崙奴竟作冰山。聲此負心。毛錐子可稱劍客。生而慧不如勿慧。猶能打破愁城。道有情却是無情。請願早登彼岸。驅一枝之秃筆。賦百首之俚詞。名士愁懷。美人豔態。同成落魄。竟為藩溷。孤英完得頑軀。庶或人天兩好。自今伊始。伊始自今。翦直快乎。并卅珠期還之合浦。錦心繡口。組織甚工。後聞女嫁某氏。華君嘗投函致意。遲不作答。蓋野鴛鴦不如家鳳凰矣。序後一段指此。

孫梅菴

同邑孫梅菴。其業以書法游公卿間。姿致秀媚。頗得香光三昧。未知其能詩也。近於華梅汀案頭。見其索友人贈句云。驛路梅花取次開。猶思折贈一枝來。閉門莫作陳無已。詩債從無避債臺。調吳姓友人取姬謝客云。謝却同袍賦。並頭畫眉樓畔太綢繆。廣寒耐冷姮娥慣。何事吳剛著意修。又交情淡處能忘我。世味濃時肯讓人。俱清麗可誦。

聖恩寺

鄧尉山聖恩寺鐘樓。方廣五六丈。上有巨鐘。大可四圍。相傳鑄成時。人不能懸。有道人以絲帶代懸樓上。舉之甚輕。臨行。令眾亂擊。不可少停。謂必俟我去遠方止。眾從之。良久。擊者手甚倦。姑止。少頃。而道人猶在林外。不聞鐘聲。回頭一望。笑而去。嗣重擊之。不復聲矣。因名曰啞鐘。後有人來取去。挂鐘繩。蓋龍筋也。鐘內有宋時黃歷一人。不能取。予游鄧尉時。令僧梯視之。云完好如故。余以足疾不能見。後閱寄蝸殘贊云。鐘內係某僧血書金剛經。非歷本也。亦不知何據。

### 蔡梅菴

蘇州蔡梅菴詩。雖不甚佳。而予愛其對仗工整。如蘭言契合。常懷李。萍水歸來乍識荆。詩寫彩箋。誇白戰。香添紅袖。侍黃昏。遭際若同蘇玉局。功名敢學蘭相如。皆佳。君問為長短句。更勝。余但記其寄友調金縷曲。步彈指詞韻。半闕云。尺素音沈久。問何因。鴻稀雁杳。忍忘良友。妙筆如君。神味俊。不學如寒島瘦。胡近日。情懷倦憊。料得畫眉樓子。上意中人。嬌態難平否。儂未解。要君剖。

### 昨夜歌

余嘗於友人案頭見昨夜歌一首。秀麗清新。筆亦靈妙。後署觴月館蕭史。不知為何人。去年



晤江君建霞標。知為其胞兄。彼渭明經手筆。因向索觀。建霞復請摘贊談中。因錄之。詩云。昨

夜銀河駕烏鵲。翠娥下踐人間約。麝風搖曳入簾櫳。倦燕梁間頓奮躍。未央宮柳不勝驚。一

絲斜裊輕復盈。眼波兜月春偷度。眉黛緘雲峰。悄橫此意欲傳傳。不得秋波笑溜破。猩櫻旋

螺寶髻盤香霧。蓮鈎雙蹴裙邊露。蟬衫麟帶壓愁香。釵頭金雀光迴互。琪花瑤草故園無。何

人不怨前春路。銀箏一曲按紅牙。周郎顧此心。祭花自注此指菊。仲昆玉。况是麴泉撩人易。醜紅已上

臉邊霞。蘭缸半炮猩屏障。燕蹴雙雙波蕩漾。玉闌干外又東風。風痕吹縐桃花浪。欲雨不雨

春冥冥。梨雲一片呼不醒。座中綺語温存互。門外更聲懊惱聽。玉繩低指散瑤筵。淇園繞竹

宜紅泉。孫郎踞有江東春。贏得小喬並鳳肩。豈無孤鶴梅邊跂。屏山一曲人千里。蓬華粉藥

蝶嬌嗔。更有多魚沉水底。自注花魂攝取。其慎其難。垂涎潺湲。不得一邀。眷顧者當不乏人。茶靡香陣何時了。碧樹籠烟誤

天曉。金烏界破巫山雲。愁絲百結隨春裊。香車駕兮下畫堂。牽裾送別神旁皇。何物狂奴敢

獅吼。自注某僕。攔門。乘醉詈罵。意在挾制。致情人淚下。猶刺刺不休。雪鬢風虐沙塵走。生憎鴉噪峭寒禁。蠻觸興兵怎消受。

柳絲撩亂愁千縈。失聲啼破黃鶯口。起扶闌角花陰立。小桃紅褪胭脂濕。調停都為惜花忙。

欲釋層冰語轉澀。此中定有醜渠魁。不然何以哭如來。原注。孰為謀主。花神有知。須罰往北。部令打掃落花三年。再削去如意。姻

緣名簿。為老眼無花者戒。綠章初奏。偏逢怒霹靂。暮空眾惶怖。葛藤斬盡舊根株。海棠總仗春陰護。自注。逐去。

狂奴留阿嬌主人  
竟有補天手段留春百計停花鞦。為卿進酒重開筵。機中織就相思字。珠淚遲揩整翠鈿。

齊梁舊族司香吏。愛花花亦如人意。媧氏能修離恨天。劉郎再到前游地。盈盈鏡裏雙蛾黛。一笑嫣然兩相對。文君既悅司馬琴。姮娥宜作神仙配。夕陽容易又西流。一聲去也忍回頭。長亭烟柳銷魂地。天上人間各自愁。

語意相同

瘦紅館主蕙生詠秦始皇云。若從海外神仙去。鞏鐵河山享不成。徐嘯峰觀察云。縱然仙去應相悔。難捨河山鐵甕堅。兩意不謀而合。歐陽璧人司馬詠嚴子陵云。不見淮陰烹狗慘。何如長作釣魚人。鄞縣徐植菴亦有一絕云。當日淮陰亦老漁。看他結局慘何如。老夫怕再烹功狗。不上雲臺只釣魚。兩意亦不謀而合。

蝶詠

余嘗於春暮偕俞吟香葉綬卿挈酒榼遊郊外。時夕陽在山。暮煙籠野。尋徑而行。得曠地。杳無人跡。蓋墟墓而久未修理者。藉草為茵。置酒斷碑。清談小飲。味幾遠。樹吐月。涼風拂襟。有老農攜小兒至。余喜其同志。招與飲。閒話桑麻。意致頗洽。見小兒手持摺扇。取閱之上。書蝶詩一首云。消受群芳活一生。修來艷福也非輕。楊花飄泊休疑我。香草送離怕夢卿。寶帳四



園春有影。雕闌幾折。雨初晴。自從畫入滕王閣。殺粉調脂。易染成字。蹟甚芳。不知何人所作。比歸猶諷詠不止。後同江建霞於肆中。見揚州馬頰香文史畫蝴蝶手卷。上有此詩。一字不易。蓋新安曹椒生先生手筆也。

軍中秋興

癸未之春。法夷犯順。北甯一敗。全越俱危。生使數百年恭順藩封。盡入敵人之手。皇上

特命大司馬彭雪琴宮保視師粵東。辦理軍務。甲申仲夏。法船攔入閩江。燬我船廠。迭擾淡水。基隆各處。全臺震動。兩粵皆驚。彭宮保於軍政餘閒。作海南軍次秋興詩二十四韻。贈炙人口。因全錄之。詩云。九重宵旰切深憂。大將綏邊志未酬。鯨渚波濤番船險。虎門風雨海天秋。屢思減竈兵難撤。無計量沙餉費籌。幾度荒遐驚日暮。茄聲倏起動邊愁。八月秋高暑氣刪。西風吹冷大刀環。深閨有怨憑誰寄。荒徼長征若箇還。戎馬關山金鼓震。浮鷗滄海夢魂閒。賈生痛哭渾閑事。我亦啣杯淚暗潛。遠戍天南未奏功。焦廬凋敝透西風。松寒夜月營棚白。柏鎖斜陽礮壘紅。巧婦作炊空妙手。征人無策遣離衷。卅年靡盬奔江海。難把愁懷問碧翁。營門濱海景徧饒。炎嶠秋深柳不凋。芭蕉蕉花紅黯淡。葵田蒲葉綠飄蕭。歌聲夕起收魚網。帆影中流送晚潮。十里長洲充要隘。礮臺高聳壓山腰。雄軍十萬病侵尋。白骨黃沙淚染

襟毒瘴秋來迷遠岫。輕寒夜半入愁砧。風聲帶怒掀濤立。雲影橫空接地陰。悵望鄉關何處  
是。峰頭回雁寄情深。白雲山聳白雲隈。雲樹蒼涼翠作堆。秋草黃開盤馬路。夕陽紅冷釣鼇  
臺。征袍寒浸西風緊。賜藥恩沾北闕來。水陸三軍均感泣。天教起死慶生回。瀟湘子弟八千  
人。同戍交南共卧薪。玉帳枕戈眠夜月。雕鞍繫箭逐征塵。瓊州木落飛黃葉。珠海霜摧老白  
鬚。歸去暮僚緣底事。秋風鄉思切鱸鱸。原法謂季次青吳莫階諸君夷族凶頑恨佛郎。登壇老鬢已添霜。平

湖潮落蒼烟迥。合浦珠沈碧月涼。匣劍鳴宵充酒膽。枕戈待旦擴詩腸。何時得作金鏡曲。一  
箭天山殪白狼。星斗光寒劍氣橫。零丁洋面待燒兵。匈奴不滅家何用。法寇齊來穴已傾。軍  
報羽馳憑電速。礮聲山照擬雷鳴。營柵一夜瀟瀟雨。溼透征袍著未成。草滿平原戰馬雄。秋  
高肥透五花驄。風鉞池沼凝深碧。露冷芙蓉墮淺紅。屢見雲龍騰鷄島。任憑霧蜃幻鮫宮。霜  
天曉角聲清越。塞上旌旗掃玉虹。鼙鼓逢逢靖塞氛。十年驅騷有韓文。錢塘破陣留軍樂。越  
石吹笳散敵群。南海三秋消瘴瘴。西風萬里掃愁雲。黃龍痛飲知何日。九伐權司未立勳。烽  
烟塵莽未銷兵。協力邊防秉至誠。事劇人和籌範密。秋高氣爽地天清。官軍慎守亞夫壘。鬼  
卒難攻衆志心。一片公忠勤豹略。三江漭浪靖潮平。自注謂倪豹臣中丞文蔚張香濤制軍之洞惶恐曾經十八  
灘。拋開舟楫據征鞍。小臣慣立軍前狀。局境難教壁上觀。瓊島日驚波浪惡。金風時透戰袍



寒不才深愧肩防務。白晝籌謀到夜闌。幾回抗疏動天顏。塗炭蒸民切痼癩。撲鼻香來青草  
瘴。攔腰波濶紫泥關。羊城後路嚴防密。鰲海中流擁御間。分付麼須子細。陳倉暗度不生  
還。霜降遐荒懍誓師。五申三令肅威儀。邊防知此宜知彼。戍守忘安莫忘危。鎮日軍書疲手  
腕。何時戰陣拚頭皮。南飛烏鵲星稀夜。傳叫風聲有健兒。遠戍潮陽路八千。湘江作別又經  
年。紅黃霜葉營前樹。黑白雲花海外天。萬里秋風悲旅雁。一村斜日噪寒蟬。樓蘭不斬心空  
赤。汗馬何時謝錦韉。詔書屢奉到天南。西貢深巢未易探。牢補五羊憑虎視。涎垂八閩恨狼  
貪。佛郎終有機心在海國。終歸聖澤涵。寄語蠻夷早收拾。免教烈日姜侵曇。從來戰守賴堅  
心。夷狄陰謀古至今。蜚雨潮增秋漲冷。颶風時撼敵舟沈。越南捷報飛來屢。臺嶠孤軍繫念  
深。終夜旁皇緣底事。噬人獠犬未成擒。飄挂白鵝潭外舟。蓮花塔古峙中流。秋蘆瑟瑟終無  
主。禾黍離離歲有秋。圖畫今朝磨盾鼻。欖槍昨夜落旄頭。從來草野多賢傑。策上平夷費蓋籌。  
瓊島孤懸海外難。深籌餉絀又兵單。但期水陸藩籬固。幸保城鄉枕簟安。若箇功勳躋李郭。  
有誰奏疏抗蕭韓。大山十萬欽廉境。內訌尤虞起揭竿。秋風頻冷到珠江。火熱惟留血一腔。  
野竈炊烟穿葦壁。荒營暮雨逼蕉窗。灰飛馬尾船遭劫。兇勦雞籠虜受降。滿地干戈嗟敵醜。  
也應夢醒曉鐘撞。頻看蒼狗白雲根。塊壘都教付酒尊。新鬼紙錢焚白打。忠魂靈襯奠黃昏。

投鞭氣壯流能斷。按劍心雄淚欲吞。敵愾同仇舒義憤。縱橫掃蕩答君恩。瘴雨蠻烟百病侵。來鴻去雁信秋深。回生都仗珍奇藥。却敵惟堅驚忍心。帳下貔貅皆奮發。海中鯨鯢付升沈。一腔熱血知誰在。義憤能申是赤黔。嶺南風土異尋常。草木頻年不見霜。萬里秋澄營細柳。一林花好艷才桑。獻俘有日忻消患。興歎於今感望洋。炎帝於今猶海熱。九重離照正當陽。

### 飯顆山樵

海昌杜晉卿茂才。求烽別號飯顆山樵。予神交也。丁丑歲介掃花仙史孫莘田。照曾以所刊飯顆山房詩選見贈。由是雙鯉往來。更形沆瀣。君書法學六朝。而獨得秀媚之致。詩亦高潔不俗。可於鴛湖七子外。別成一家。擇集中尤佳者錄之。閒居云。綠陰庭院晝游絲。正是春風扇暖時。當戶好風皆可愛。入簾明月不嫌遲。閒看負耒農驅犢。怕聽敲門客索詩。屋角大桃開未了。隔牆紅出一枝枝。秀州道中云。陰陰夏木綠成堆。笑我扁舟攬勝來。最是南湖風景好。菱花十里傍船開。游滄浪亭云。小橋約略曲欄紅。四壁荷花一鏡中。檻外好風來緩緩。波光人影妨玲瓏。消夏詞云。科頭鎮日掩雙扉。懶去持竿立釣磯。供得膽瓶花數朵。賺他蝴蝶入簾飛。其餘如乘興牛羊歸遠陌。忘機鷗鷺聚平沙。交密不須肝胆露。情深始覺別離難。漁舟三五自成隊。水鳥一雙飛入波。金鼎香凝深院落。玉簫聲閣畫欄干。馬趁暖風盤曠野。鴉



馱斜日下晴霄。奇峰聳翠爭烟樹。瘦石撐流。擘浪花。五言如峭帆懸海月。柔櫓劃江雲。屐聲隨磬出。人影隔花。尋年少相逢易。窮途寄語難。詩狂常忤俗。客冷最宜秋。生涯爭筆硯。事業混漁樵。才大難為用。情多不諱癡。詩情工人畫。人事懶於春。遠水碧千里。夕陽紅一亭。有酒客頻至。無名花最嬌。皆有丰致。

春心秋心

武昌李素玉以押秋心詩得名。因號秋心女史。詩云。意外亂蛩挑客夢。空中寒鴈警秋心。野鷺忘機梳短羽。涼蟾如水洗秋心。兩押秋心皆佳。金陵有春心居士劉芳梅。詩云。不辨深宵愁幾許。一簾明月卷春心。高士梅花尋冷夢。美人萱菴蘊春心。兩押春心亦自然入妙。余寄賦秋生亦有有約綠楊舒倦眼。相思紅豆逗春心一聯。

李新卿

李新卿詞史。汪三官之養女也。弱質姍姍。工愁善病。然喜與人交。賓筵廣坐中。遇有俗客輒避去。惟與碧雲黃葉詞人。情頗膠粘。詞人嘗調念奴嬌贈之。余客澄江。倪逸溪嘗為余述之。予大半都忘。但記其一起七句云。相逢何地。在海棠花下。笑偎嬌鳳。故故懷中人。倚玉鬢。壓春雲。香重倦眼惺忪。低聲瑣碎。一點芳心。送一往情深。令人想見。